



Broj: 16-12-16-2-2841-~~96~~16
I. Sarajevo, 07.02. 2017. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 70. Zakona o javnim nabavkama ("Službeni glasnik BiH", broj 39/14), nakon provedenog postupka po Rješenju Ureda za razmatranje žalbi broj JH2-01-07-1-603-6/16 od 02.12.2016. godine, na preporuku Komisije II za provođenje postupka nabavke za potrebe Državne agencije za istrage i zaštitu u 2016. godini broj 16-12-16-2-2841/16 od 06.02.2017. godine, u ponovnom postupku javne nabavke ubrusa i toalet papira za potrebe Državne agencije za istrage i zaštitu, direktor Državne agencije za istrage i zaštitu, d o n o s i

O D L U K U

o izboru najpovoljnijeg ponuđača u Konkurentskom zahtjevu za dostavljanje ponuda za javnu nabavku ubrusa i toalet papira za potrebe Državne agencije za istrage i zaštitu

Član 1.

Prihvata se preporuka Komisije II za provođenje postupka nabavke za potrebe Državne agencije za istrage i zaštitu broj 16-12-16-2-2841/16 od 06.02.2017. godine i ugovor o kupoprodaji ubrusa i toalet papira za potrebe Državne agencije za istrage i zaštitu, dodjeljuje ponuđaču „KECKOM” d.o.o. Banja Luka, ponuda broj 16-12-16-2-2841-5/16 od 11.05.2016. godine, za ponuđenu cijenu od 19.943,50 KM bez uračunatog PDV-a.

Član 2.

(1) Ponuđač „KECKOM” d.o.o. Banja Luka obavezan je ugovornom organu dostaviti dokaz o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (original ili ovjerena fotokopija) ponuđač je obavezan dostaviti ugovornom organu, u roku od pet dana od dana prijema ove odluke.

Član 3.

Prijedlog ugovora o kupoprodaji dostavit će se na potpis izabranom ponuđaču, po proteku roka od 10 dana, računajući od dana kada su svi ponuđači obaviješteni o izboru najpovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Direktor Državne agencije za istrage i zaštitu (u daljem tekstu: Agencija), na preporuku Komisije II za provođenje postupka nabavke broj 16-12-16-2-2841/16 od 17.10.2016. godine (u daljem tekstu: Komisija), donio je Odluku o izboru najpovoljnijeg ponuđača za dostavljanje ponuda za javnu nabavku ubrusa i toalet papira za potrebe Agencije broj 16-12-16-2-2841-23/16 od 19.10.2016. godine. Navedenom odlukom ugovor za javnu nabavku ubrusa i toalet papira za potrebe Agencije, dodjeljen je ponuđaču „ECOTIME” d.o.o. Sarajevo, za ponudenu cijenu od 16.100,80 KM bez uračunatog PDV-a.

Dana 24.10.2016. godine ponuđač „KECKOM” d.o.o. Banja Luka, putem punomoćnika dr. Ostoje Kremenovića, advokata iz Banja Luke (u daljem tekstu: žalitelj), uložio je žalbu na Odluku o izboru najpovoljnijeg ponuđača za dostavljanje ponuda za javnu nabavku ubrusa i toalet papira broj 16-12-16-2-2841-23/16 od 19.10.2016. godine. Žalitelj u žalbi navodi da je izabrani ponuđač „ECOTIME” d.o.o. Sarajevo dostavio toalet papir u omotu od najlona na kome je vidljiva šifra broj: 8109, te da je žalitelj provjerom navedene šifre za toalet papir na internetu utvrdio da se radi o dvoslojnom reciklažnom papiru dimenzija 11x18,6 cm. Žalitelj navodi da ukoliko se žalba ne usvoji, toalet papir će poslati na provjeru i dokazivanje ovlaštenom institutu za celulozu i papir u Ljubljani. Dalje traži da ugovorni organ poništi Odluku o izboru najpovoljnijeg ponuđača za dostavljanje ponuda za javnu nabavku ubrusa i toalet papira broj 16-12-16-2-2841-23/16 od 19.10.2016. godine.

Agencija je u skladu sa odredbama člana 100. stav (5) Zakona o javnim nabavkama (“Službeni glasnik BiH”, broj 39/14)(u daljem tekstu: Zakon), žalbu zajedno sa Izjašnjenjem broj 16-12-16-2-2841-28/16 od 28.10.2016. godine i kompletnom dokumentacijom dostavila Uredu za razmatranje žalbi, na dalje postupanje.

U postupku rješavanja po žalbi žalitelja, Ured za razmatranje žalbi donio je Rješenje broj JH2-01-07-1-603-6/16 od 02.12.2016. godine, kojim je usvojio žalbu žalitelja „KECKOM” d.o.o. Banja Luke i poništio Odluku Agencije o izboru najpovoljnijeg ponuđača za dostavljanje ponuda za javnu nabavku ubrusa i toalet papira za potrebe Agencije broj 16-12-16-2-2841-23/16 od 19.10.2016. godine. Ured za razmatranje žalbi navodi da je žalba žalitelja osnovana, obzirom da je ugovorni organ u ponovnom postupku prihvatio dokaze da je ponuđač „ECOTIME” d.o.o. Sarajevo dostavio toaletni papir 100% napravljen od recikliranih celuloznih vlakana. Ured za razmatranje žalbi navodi da je ugovorni organ doveo u sumnju potencijalne ponuđače koji nisu znali da mogu da ponude i ovakvu vrstu sirovinskog sastava traženih proizvoda, zbog čega postoji mogućnost da isti nisu predali ponudu, budući da ugovorni organ nije navedeno predvidio u Konkurentskom zahtjevu. Ured za razmatranje žalbi smatra da je ovakva karakteristika proizvoda sigurno jedan od parametara koji utiče i na cijenu proizvoda.

Komisija je postupajući po rješenju Ureda za razmatranje žalbi provela ponovni postupak javne nabavke ubrusa i toalet papira za potrebe Agencije, procijenjene vrijednosti 20.000,00 KM bez uračunatog PDV-a, za koji je obavještenje o javnoj nabavci objavljeno na portalu javnih nabavki broj 1161-7-1-373-3-18/16 od 28.04.2016. godine. Tokom provođenja ponovnog postupka, Komisija je utvrdila da su pristigle tri ponude, kako slijedi:

RB	Naziv ponuđača	Vrijednost ponude (bez PDV-a)
1.	„ECOTIME” d.o.o. Sarajevo	16.100,80 KM
2.	„INTER-COM“ d.o.o. Zenica	22.461,76 KM
3.	„KECKOM” d.o.o Banja Luka	19.943,50 KM

Tačkom 2.2.4. Konkurentskog zahtjeva za dostavljanje ponuda za javnu nabavku nabavke ubrusa i toalet papira za potrebe Agencije, kao opšti uslov za tehničku i profesionalnu sposobnost, Agencija je tražila da su ponuđači uz ponudu dužni dostaviti i uzorke, koji moraju biti kompatibilni (da odgovaraju) držaču ubrusa u rolni Windows Controlmatic, mehanički (povlačenje papira jedan po jedan) marke Kimberly-Clark Profesional, kao i ponuđeni toalet papir u listićima koji takođe mora biti kompatibilan (da odgovara) dispanzeru toaletnog papira Aqua marke Kimberly-Clark Profesional, budući da su navedeni aparati na korištenju u sjedištu ugovornog organa. Ponuđeni ubrus i toalet papir mora sadržavati deklaraciju proizvođača na kojoj je jasno napisan sirovinski sastav proizvoda.

Rješavajući u ponovnom postupku, Komisija je ponovo izvršila uvid u dostavljene ponude ponuđača „ECOTIME” d.o.o. Sarajevo, „INTER-COM“ d.o.o. Zenica i „KECKOM” d.o.o. Banja Luka, te utvrdila da ponuđači „INTER-COM“ d.o.o. Zenica i „KECKOM” d.o.o. Banja Luka ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Također, Komisija je utvrdila da ponuđači ispunjavaju i formalno-pravne uslove postavljene u Konkurentskom zahtjevu.

Komisija je u ponovnom postupku izvršila uvid u ponudu ponuđača „ECOTIME” d.o.o. Sarajevo i utvrdila da je navedeni ponuđač dostavio dokumentaciju (dokaz) proizvođača za ponuđeni toalet papir u listićima sa potpisom ovlaštene osobe i pečatom proizvođača Kimberly-Clark, iz kojeg se vidi da je zemlja porijekla Njemačka, da je toaletni papir u listićima dvoslojan, bijele boje, 100% napravljen od recikliranih celuloznih vlakana, dimenzije 18,60 x 11,00 cm, 32 paketa x 250 listića= 8000 komada. Uvidom u akt ponuđača „ECOTIME” d.o.o. Sarajevo od 27.10.2016. godine, Komisija je utvrdila da je ponuđač „ECOTIME” d.o.o. Sarajevo naveo da je ponudio papir u skladu sa tehničkom specifikacijom, te da je iz deklaracije vidljivo da se radi o 100% celulozi. Komisija je u ponovnom postupku, nakon ocjene naprijed navedenih dokaza, cijenila činjenicu da Ured za razmatranje žalbi, utvrdio da je ponuđač „ECOTIME” d.o.o. Sarajevo priložio dokaz za toalet papir u listićima (šifra proizvoda 08109000- proizvođača Kimberly-Clark), iz kojeg se vidi da se radi o 100 %, recikliranim celuloznim vlaknima, da karakteristika takvog proizvoda sigurno je jedan od parametara koji utiče i na cijenu proizvoda. Obzirom da je ponuđač „ECOTIME” d.o.o. Sarajevo dostavio proizvod koji je izrađen od 100% recikliranog papira, ponuda ponuđača „ECOTIME” d.o.o. Sarajevo, nije uzeta u dalje razmatranje.

Komisija je u ponovnom postupku utvrdila da cijena ponude ponuđača „INTER-COM“ d.o.o. Zenica iznosi 22.461,76 KM bez uračunatog PDV-a, te da ista premašuje procijenjenu vrijednost nabavke iz tačke I odluke (procijenjena vrijednost javne nabavke iznosi ukupno 20.000,00 KM bez uračunatog PDV-a). Takođe Komisija je u ponovnom postupku utvrdila da je ponuđač „KECKOM” d.o.o. Banja Luka, dostavio Potvrdu Privredne komore Republike Srpske broj 04-08-722/16 od 10.05.2016. godine, kojom potvrđuje da roba sadržana u ponudi ima porijeklo iz Bosne i Hercegovine, odnosno da podliježe primjeni preferencijalnog tretmana domaćeg u skladu sa Odlukom o obaveznoj primjeni preferencijalnog tretmana domaćeg („Službeni glasnik“, broj 103/14).

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona, ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 8.1. Konkurentskog zahtjeva, konstatirajući da ponuda ponuđača „KECKOM” d.o.o. Banja Luka podliježe primjeni preferencijalnog tretmana domaćeg, dok ponude ponuđača „INTER-COM“ d.o.o. Zenica ne podliježu primjeni preferencijalnog tretmana domaćeg, te je sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

Redni broj	Naziv ponuđača	Vrijednost ponude (bez PDV-a)
1.	„KECKOM” d.o.o Banja Luka	16.951,97 KM (primjena preferencijalnog tretmana domaćeg 15%)
2.	„INTER-COM“ d.o.o. Zenica	22.461,76 KM

Nakon provedenog ponovnog postupka ocjenjivanja dostavljenih ponuda za javnu nabavku ubrusa i toalet papira za potrebe Agencije, Komisija je utvrdila da je ponuda ponuđača „KECKOM” d.o.o. Banja Luka, ocijenjena kao najpovoljnija ponuda, da ista ne premašuje procijenjenu vrijednost nabavke iz tačke I odluke, te da podliježe primjeni preferencijalnog tretmana domaćeg.

Shodno navedenom, prihvaćen je prijedlog Komisije i odlučeno da se predmetni ugovor o kupoprodaji ubrusa i toalet papira za potrebe Agencije, dodijeli ponuđaču „KECKOM” d.o.o. Banja Luka, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x,
- Sektoru za mat.-fin. poslove,
- a/a.

